



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

Memb. VII. De tentatione ex metu Purgatotij orta.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

V. Exempla Sanctorum afferat v.g. in antiquo Testamento S. Tobia, S. Jobi. In novo Testamento S. Clara quæ 28. annos gravissimis morbis excruciatæ est: & Lydwina, quæ 38. annis extraordinarios dolores perpassit, & 30. annis lecto ita affixa fuit, ut nec tangere terram potuerit: uti idem Surius testatur. Beniamini, qui alios & precibus curabat; non autem seipsum ab hydropo, scilicet lûm dicebat: Orate DEVM pro anima, de corpore nihil solliciti, quando & illud sano mihi in re nulla unquam commo-
davit, uti in Eccl. hist. p. 2. l. 6. c. 2. narratur. Illius monachi qui quæsitus cur fieret? respondit, biennium jam esse, quo Deus nullum illi morbum immisisset, & ideo mundum diabolum & carnem ipsi magis infestos esse, quos nunquam melius potuerit subjugare, quam quando corpus ægrum lecto jacuisset. S. Francisci oculorum dolore cruciati, de quo supra mentio facta: S. Bonæ Virginis, cujus ubera venæ depascebantur; de qua etiam supra dictum: S. Petri, qui cum alios sanasset umbrâ suâ, nolebat tamen Petronillam liliam sanare, nisi ad horam, ut ostenderet, posse se & illam sanare, si vellet, sed nolle facere, quia magis ipsi infirmitas impediret: S. Catharinæ Senensis spineam coronam eligentem præ aurea & capiti imprimentis: Servuli, qui à primævitate paralyticus nunquam sedere, nunquam ad latus declinare, nunquam manum ad os admoveere potuit, semper tamen in accessione dolorum DEO gratias agebat. Unde & in morte cantu Angelorum recreatus est.

VI. Ostendat illi, quàm paratus sit Christus juvare eos, qui gravi morbo vexantur; ita, ut S. Paulus 2. Corint. 12. dixerit: *Libenter gloriabor in infirmitatibus meis, ut inhabite in me virtus Christi.* Item, cum infirmor, tunc potens sum. Dicat ergo æger cum S. Augustino: *Domine, hinc ure, hic fac, modo parcas in æternum.*

MEMBRUM VII.

De tentatione ex metu Purgatorij orta.

I. SEptima tentatio ex metu purgatorij oritur, contra quam sic muniat Infirmum Operarius, imprimis offerat illi, si potest, indulgentias, vel ostendat illi, quomodo ratione Congregationis, si cui nomen dedit, lucri eas possit.

II. Pro

II. Promittat, se pro illo sedulo oraturum, sed & amicos idem facturos, curaturosque, ut plures pro ipso Missæ offerantur.

III. Declaret, quod, si patienter & fortiter sustineat dolores suos, eosque DEO in satisfactionem offerat, purgatorii loco sint futuri; si enim S. Bernardus teste Cantiprat. l. 2. apud c. 5. p. 2. fratri cuidam laboranti dixit: Perge frater, quia nullum aliud post hanc vitam purgatorium habebis; quanto magis hoc patienti dici poterit? si Monachus ille, apud Cæsar. l. 12. c. 51. qui tantum recordatus est passionis Dominicæ (quando crucem transibat) & rogabat per amaritudinem, quam Christus in morte sustinuit, ut sui quoque in agone recorderetur, ab omni purgatorio liberatus est, quanto magis hanc gratiam sperare poterit, qui Christi SS. Passionem non verbo, sed opere; non recordando, sed imitando, venerari conatus est? Martyres certe purgatorium non patiuntur; atqui teste S. Gregorio homil. 35. in Evangel. *Sine ferro & sanguine Martyres esse possumus, si patientiam veraciter in animo custodimus.* Hinc aliquando Christus S. Ludgardæ apparuit, monuitque, ut cæcitatem suam patienter sustineat, sic enim liberam fore à purgatorio.

IV. Ostendat insuper, quod, si iustissimo Dei judicio in purgatorium mittendus esset, spem tamen optimam concipere possit, se non diu ibi relinquendum, tum, quia ipse misericors erga animas purgatorii semper fuit, atque adeo parem juxta Servatoris promissum misericordiam est consecuturus; tum, quia specialiter cultui Beatissimæ Virginis fuit addictus, quæ aliquando S. Brigittæ dixit: *Ego sum Mater DEI, & Mater omnium, qui sunt in purgatorio, quia omnes pœnæ, quæ debentur purgandis pro peccatis eorum, per preces meas quolibet horâ aliquo modo mitigantur,* ut l. 4. Revel. c. 138. refertur.

MEMBRUM VIII.

De Tentatione ex pœnitentiæ agenda.

desiderio orta.

I. **O**ctava Tentatio est desiderium vitæ protrahendæ ad seriam emendationem vitæ instituendam, meritæque augendæ, Contra quam sic muniat ipsum Operarius. I. Ostendat,